

太平府志

金

地 220.55
132
: 1 ~ 3

卷首

序

文移

凡例

姓氏

目次

卷一

圖考

卷二

建置沿革

太平府志序



粵稽禹貢分列九州州紀其
山川疆域咸則三壤而周禮
職方氏因之於人民男女穀
畜之數加詳焉是郡志所由

昉也若夫東南靈淑擅自揚
州六朝佳麗肇於建業故今
太平古姑孰地地界會城踞
上游勝槩予行部觀風竊覽
其山川人物毓秀標奇洵文

獻名區也環部諸郡以近志
次第上者過半而太平仍踵
百餘年前陳牒近代無傳焉
索其故則曰姑孰罹明季軍
燹後故壘凋謝舊籍沈蕪長
民者屢議續輯而有志未遑
誠兢兢乎慎之也恭逢

興朝誕敷文教

世祖章皇帝實錄告成旋

命纂修通志之請煌煌寶錄等

諸珙璧矣而外史弗飭奚以
壯

皇圖垂永禩乎歲壬子予督秋
闈畢凜承 憲檄董諸郡守
集腋成裘從事汗青而繕竣

獨先者惟太平郡志予樂觀
其盛不可以無言則亦言其
志之大綱而已矣如建置爲
社稷之馮依其因革不可不
志也戶口爲邦家之根本其

登耗不可不志也人才爲朝廷之楨幹其盛衰不可不志也吏治爲民生之休戚其美刺不可不志也太平自

皇清綏定以來土宇版章踵舊制

也宜志其因畝涓齒數浮原額也宜志其登升書射策亮天功也宜志其盛戶封屋比軫氓依也宜志其美至於沿風窺雅則遡其正始觸目警

心則攬其興亡其間名德義
流才人淑媛或有捐軀殉難
之忠或有刲股守墓之孝或
如孔融之食果取小母媿弟
道或如共姜之栢舟靡他無

忝母儀可砥礪俗而振頽風
者棲心茲編莫不昭示來許
矣他如土物技能諸屬皆餘
目也似可無志然仰遵

聖天子博採旁稽之至意遴而存

之以備輜軒採擇焉是亦陳
詩觀風者所必及也予不憚
擊節陳詞以爲師帥人倫者
勸
皆

康熙歲次癸丑菊月江南等處
承宣布政使司布政使三韓
徐國相撰



太平府志序

今

皇帝御曆以來自土中又萬方民
大和會赫然下

詔書郡縣各修葺志乘不逾年

太平府志

虞序

而太平府首告竣太平自禹
貢分壤揚州汜周而有吳有
越有楚干戈擾攘沿革亡常
漢後六朝爲畿輔地隋唐及
宋廼分三邑而元明因之

興朝改步吏習民安號稱太平
良不虛已且太平固吳會之
上游也左天門右牛渚鐵甕
直其東石頭枕其北於天文
躔斗三度石申有言魁星明
者

大一統而中外承流非其券哉
抑不曰聖人有金城比物比
志卽一郡中山川形勝何所

巡監守令何績戶口田賦幾
何額鄉賢名宦幾何等忠孝
節烈幾何輩與夫關梁何守
風俗何先星野災祥何驗學
校陵祠何廢何興藝文方伎

何醇何駁凡有專城之責者
不可不厝意焉而以鑑既往
核方來志乘尤亟矣太平之
有志也六朝以迨宋元若存
若亡自洪武至嘉靖修之今

又百五十餘年兵燹騷然文
獻不足幾使金陵重鎮半沉
於郭公夏五豈不深可慮哉
幸

聖主重曜百度維新衆材賢協於

其職而三韓黃刺史出其武
庫以任總裁當事者相與編
纂而較定之洵斗躔炳瑞其
在斯乎其在此乎球不敏奉

簡書觀文南畿而因寓延陵觀

樂之思流覽是志風教備焉
彼鍾學使之失煩祝藩司之
失略都無其累卽文事以占
國運將與諸大夫登橫山而勒
石臨長江而釀酒拜手颺言
以賀太平端自今日始


大清康熙十二年癸丑中秋
賜進士出身提督江南通省學
政按察使司僉事加一級前
戶部四川清吏司郎中兵部

職方清吏司督捕司員外主

事加一級

欽差山東已酉科典試兩東虞

二球揆



太平府志原序

正德丙子歲前守周侯伯承重脩郡志鑒僭執筆焉
迄今十有五年矣缺者當增後者當續訛者當正畧
者當詳冗者當剔不無有俟於後之君子也乃今侯
西泉林公與鑒有同年之雅間嘗語及志事欲脩而
未果居無何九峰山人鄒子至遂設館於萬壽寺之
東明軒敦禮授簡於九峰焉九峰不得辭廼殫心力
窮晝夜稽載籍咨耆舊詢草野旣罔不周矣乃酌古
定例提綱彙目具草以質於西泉公公曰善請終圖
太平府志

原序

一

之越三月而書成鑒閱之再則缺者增矣後者續矣
訛者正矣畧者詳矣冗者剔矣美而不溢華而不浮
質而不俚有古良史之風焉粵惟往年鑒脩志時值
王程方亟草率就編或矯前之非而太過或執已之
見而未審至今思之不覺顏汗幸賴西泉公之功及
九峰子之力獲成新志用雪舊愆幸莫大矣或曰是
編也視舊體裁去取若相牴牾子之心無乃未安乎
鑒喟然歎曰天下之事所以不克同心協一俾底於
有成者各用其私焉耳矧夫志史也史公天下之書

也天下以爲是吾從而是之天下以爲非吾從而非之吾惟求其當而已烏知夫出於已出於人也推是心也可以理天下事矣奚啻志哉或者無以應而退遂漫書以爲新志序

嘉靖十九年九月之吉前進士廣西布政司叅政郡人祝鑾序

太平府志原序

郡有志制也志太平者舊矣莫得而究其始也弘治丁巳一脩於憲副鍾君城衍爲二十卷正德丙子再脩于膳部鳴和祝君鑾約爲十卷歷十有三年爲嘉靖戊子西泉林侯鉞來守茲郡明年鳴和致大叅政以歸二公有同年之雅議續前志然未果也越五年予訪鳴和于太平鳴和曰子知志所以脩乎予應之曰夫郡古國也志古史也紀往徵來有監之道焉監善而知勸監惡而知懲有訓之道焉仲尼歎杞宋之太平府志

原序

三

無徵而悉意於春秋良有以也是故志輿地以昭封志官室以昭居志職官以昭治志學校以昭教志武備以昭威志祠祀以昭報六事備而生物遂焉于是乎志食貨矣養旣足而民日庶焉于是乎志人物矣性近習遠而德藝有等倫才同時異而選舉有高下此紀載者所當備也若夫因封以思守因居以思奠因治以思隆因教以思成威思振祭思誠養思充賦思均習思變選思公此有司者所當盡也是故志貴詳詳而不節其失也浮事貴覈覈而不精其失也誕

胡然而監胡然而訓耶此有司與紀載者均之有責焉耳矣誌可忽乎鳴和聞而喜曰善哉言也可以續吾志矣吾子其圖之乃言於林侯林侯復以爲善交贊力委義不容辭而勉從事是舉也主之者林侯輔之者二守向公正三守李公從龍推府黃公仕隆而張君一厚招君宗廣曹君贊乃令邑而共命者也詎隱蹟于耆黎寃遺事於積牘察公是於閭閻而定論於鄉之大夫士悉取裁於鳴和衆善之集可謂詳而節覈而精矣雖然惕乾夙夜比類屬詞求無媿于大

太平府志

原序

四

邦不得罪于良史壁也則又曷敢不殫厥心哉嘉靖十年七月之吉九峯山人鄒壁書